

e-Dinamik

MAJALAH DIGITALAKADEMIA UiTM CAWANGAN JOHOR

eISSN: 2682-7832



EDISI KETUJUH 2025



اَوَّلُ رِسَالَةٍ تَكُونُ لَوَكِي مَارَا
UNIVERSITI
TEKNOLOGI
MARA



PERUTUSAN REKTOR

Assalamualaikum warahmatullahi wabarakatuh,
Salam Sejahtera dan Salam UiTM Dihatiku.

Segala puji bagi Allah SWT kerana dengan izin-Nya, Majalah Digital Akademia UiTM Cawangan Johor, e-DINAMIK Edisi 2025 dapat diterbitkan dengan jayanya. Syabas dan tahniah diucapkan kepada seluruh sidang editorial atas komitmen, ketekunan, dan dedikasi dalam memastikan penerbitan ini terus menjadi wadah intelektual yang bermakna.



Penerbitan e-DINAMIK bukan sahaja berfungsi sebagai medium dokumentasi hasil penulisan ilmiah, kreatif dan penyelidikan, malah menjadi platform penting bagi warga akademia untuk menyalurkan idea, pandangan, dan dapatan kajian dalam pelbagai bidang. Edisi kali ini tampil lebih segar dengan isu-isu semasa yang menyentuh pelbagai aspek global yang kian kompleks.

Saya percaya usaha ini mampu memperkukuh budaya penulisan akademik dalam kalangan pensyarah serta menyemarakkan amalan perkongsian ilmu merentasi sempadan disiplin. Melalui inisiatif ini juga, diharapkan lebih ramai pensyarah dan penyelidik dapat melangkah ke tahap yang lebih tinggi dalam menghasilkan penerbitan berimpak serta berindeks antarabangsa.

Sekalung penghargaan ditujukan kepada Timbalan Rektor (Penyelidikan dan Jaringan Industri) bersama pasukan editorial yang sentiasa konsisten memastikan kesinambungan penerbitan e-DINAMIK dari tahun ke tahun. Semoga majalah ini terus menjadi sumber inspirasi, rujukan dan motivasi kepada seluruh warga UiTM serta pembaca di luar sana.

Akhir kata, saya berharap e-DINAMIK 2025 ini akan terus menjadi medan ilmu yang dinanti-nantikan setiap tahun. Semoga segala usaha ini diberkati dan memberi manfaat buat semua.

Sekian, terima kasih.

PROFESOR MADYA DR. SAUNAH ZAINON

Menjalankan Fungsi Rektor
UiTM Cawangan Johor

Assalamualaikum warahmatullahi wabarakatuh dan Salam Sejahtera,

Alhamdulillah, setinggi-tinggi kesyukuran dipanjatkan ke hadrat Allah SWT kerana dengan izin dan rahmat-Nya, penerbitan Majalah Digital Akademia UiTM Cawangan Johor, e-DINAMIK Edisi 2025 dapat direalisasikan.



Saya ingin merakamkan penghargaan yang tidak terhingga kepada Yang Berusaha Prof. Madya Dr. Saunah Zainon, Rektor UiTM Cawangan Johor, atas sokongan dan dorongan yang berterusan dalam memperkasakan budaya penulisan serta penerbitan akademik di UiTM Cawangan Johor. Sesungguhnya, e-DINAMIK telah menjadi wahana penting untuk menyalurkan idea, mengasah bakat serta mendokumentasikan pelbagai bentuk penulisan merangkumi karya, kreatif, laporan aktiviti dan isu semasa yang berkaitan dengan warga akademia.

Lebih daripada sekadar sebuah majalah digital, e-DINAMIK merupakan cerminan kecemerlangan akademik UiTM Cawangan Johor, selain membuka ruang yang lebih luas untuk mengetengahkan pencapaian, keterlibatan komuniti, serta perkembangan fakulti dan jabatan di Kampus Segamat dan Kampus Pasir Gudang. Saya percaya usaha ini juga dapat meningkatkan visibiliti universiti di persada negara mahupun antarabangsa.

Penerbitan ini tidak akan berjaya tanpa komitmen padu sidang editorial serta sumbangan para penulis yang dengan ikhlas berkongsi masa, tenaga, dan ilmu demi menjayakan hasrat murni ini. Saya amat berharap inisiatif sebegini dapat menyemarakkan lagi minat warga akademia untuk terus berkarya serta menghasilkan penulisan bermutu tinggi yang memberi manfaat kepada masyarakat.

Akhir kata, sekalung tahniah dan syabas kepada semua pihak yang terlibat dalam menjayakan penerbitan e-DINAMIK Edisi 2025. Semoga usaha ini berterusan dan menjadi sumber inspirasi kepada semua pembaca.

Sekian, terima kasih.



DR. FARIDAH NAJUNA MISMAN

Timbalan Rektor (Penyelidikan & Jaringan Industri)
UiTM Cawangan Johor



PENAUNG

Profesor Madya Dr. Saunah Zainon

PENASIHAT

Dr. Faridah Najuna Misman

PENYELARAS

Dr. Nur Fatihah Shaari
Dr. Noor Hidayah Ab Aziz

KETUA EDITOR

Aidarohani Samsudin

PENOLONG KETUA EDITOR

Dr. Fatin Farazh Ya'acob

EDITOR AKADEMI PENGAJIAN BAHASA

Zuraidah Sumery
Farhana Idris
Siti Aishah Taib

EDITOR AKADEMI PENGAJIAN ISLAM KONTEMPORARI

Munirah Zakaria
Mohamad Zaki Razaly
Dr. Muhammad Fahmi Md Ramzan



SIDANG REDAKSI

EDITOR JABATAN UNDANG-UNDANG

Norintan Wahab
Zuramaznum Sainan

EDITOR FAKULTI PENGURUSAN DAN PERNIAGAAN

Ainol Mardhiyah Rahmat
Che' Khalilah Mahmood
Dr. Nur Fatihah Shaari
Dr. Suhana Mohamed
Ferri Nasrul
Mohamad Azwan Md Isa
Muharratul Sharifah Shaik Alaudeen
Norfariza Mohd Ali
Rosmah Abd Ghani @ Ismail
Ruziah A. Latif
Siti Noorhaslina Abd Halim
Siti Nordiyana binti Ishak
Zaibedah Zaharum

EDITOR FAKULTI PERAKAUNAN

Ahmad Marzuki Amiruddin Othman
Juyati Mohd Amin
Nurru Ain Fauzi
Nursia Yuhanis

EDITOR FAKULTI SAINS GUNAAN

Dr. Saiful Najmee Mohamad



EDITOR FAKULTI PENGURUSAN MAKLUMAT

Azura Abdul Jamil @ Kamarudzzaman

Rohayu Ahmad

Siti Hasma Hajar Mat Zin

EDITOR FAKULTI SAINS KOMPUTER DAN MATEMATIK

Haslenda Yusop

Dr. Nur Syamilah Arifin

Dr. Wan Munirah Wan Mohamad

Noraisyah Abdl Aziz

EDITOR FAKULTI KEJURUTERAAN

Azyan Zafyrah Mohd Zahid

Dr. Wan Nur Fazlina Abdol Jani

Noorashiekin Khalid

Mazni Mat Zin

Nurrul Amilin binti Zainal Abidin

Nurulnatisya binti Ahmad

Ts. Dr. Siti Aminah Nordin

Ts. Muhammad Imran Ismail

REKABENTUK DAN GRAFIK

Shahrul Amir Bin Shaheran

Mohamad Hanif Bin Awaludin



BERMULA SENDIRIAN, BERAKHIR JUGA SENDIRIAN

Farhana Idris

‘Ibu, nanti Iman boleh jumpa dan duduk dengan ibu di Syurga kan?’. Soalan yang entah mengapa disuarakan oleh anak bongsuku pada suatu malam, ketika kami sama-sama berbaring di atas katil, berbual sebelum meletakkan mata.

Aku menarik nafas dalam, berfikir sebentar cara terbaik untuk menjawab soalnya. Kuhembus nafas, cuba menjawab setenang mungkin: ‘Iman, di Syurga nanti kita tak akan mengenali antara satu sama lain. Nanti walaupun kita sama-sama masuk ke Syurga, Iman tak kenal ibu dan ibu tak kenal Iman’. Jawapanku tiba-tiba merubah wajahnya. Dia terus memalingkan badan daripadaku dan menekup mukanya ke bantal. Aku tahu dia menangis, walaupun tiada esakan kedengaran. Suasana tiba-tiba bertukar sepi.

‘Iman..’ Aku menarik badannya agar kembali berhadapan denganku, kami sama-sama duduk. ‘Walaupun nanti kita mungkin tak akan jumpa dan kenal antara satu sama lain, Iman mungkin boleh berusaha dari sekarang kalau Iman nak duduk dengan ibu di Syurga nanti.’ ‘Usaha macammana?’, soal Iman sambil menyeka air matanya. Dia mula membetulkan kedudukan duduknya.

‘Iman boleh mula berdoa dari sekarang, supaya Allah pertemuan kita di Syurga dan kita boleh hidup bersama-sama’. Iman terdiam, mungkin sedang berfikir tentang kelogikan ‘cadangan’ku. Kemudian, dia mengangguk kecil. Aku terus mengajaknya berbaring kembali.

Itulah secebis kisah yang pernah kulalui, yang mungkin juga pernah dilalui oleh setiap ibu yang lain di dunia ini. Kasih sayang dan ikatan ibu-anak adalah sesuatu



yang sangat misteri dan abstrak, tidak terungkap oleh aksara kata dan tidak mampu dirasa. Malah mungkin tidak dapat dihayati oleh bukan empunya status. Ia adalah anugerah yang Allah s.w.t kurniakan kepada sesiapa yang dikehendakiNya. Perit rasanya andai difikir, kita akan mengecapnya hanya di dunia sementara ini, namun ia 'terbang', hilang, di alam sana nanti. Namun, ianya sekali lagi rahsia Tuhan.

Bagaimana fikiran yang matang boleh mengharap kasih sayang ini akan kekal selamanya, jika Allah s.w.t telah menceritakan tentang kedahsyatan Hari Kiamat di kalam-Nya lebih awal. Firman Allah s.w.t dalam *Surah Abasa* ayat 34 hingga 36 yang bermaksud: *"Pada hari seseorang itu lari dari saudaranya. Dan, ibunya serta bapanya. Dan, isterinya serta anak-anaknya; kerana tiap-tiap seorang dari mereka pada hari itu ada perkara-perkara yang cukup untuk menjadikannya sibuk dengan hal dirinya sahaja"*. Begitu juga firman Allah s.w.t dalam *Surah Al-Hajj* ayat 1 dan 2 yang menggambarkan kedahsyatan Hari Kiamat dengan perumpamaan yang jelas. Bilamana setiap orang akan menempuh ketakutan yang luar biasa. Mereka akan lupa hal-hal yang paling dekat dengan diri mereka, seperti ibu yang menyusukan akan melupakan anaknya. Wanita hamil pula akan menggugurkan kandungannya.

Terlalu jauh untuk kita sebagai manusia memikirkan apa yang bakal terjadi di saat itu nanti, walaupun ia pasti akan terjadi. Maka, marilah kita nikmati dan syukuri nikmat kasih sayang yang Allah s.w.t limpahkan di hati-hati manusiawi kita saat kita masih dibenarkan menggenggamnya. Tidak terbatas kasih sayang ibu dan anak, suami dan isteri, anak dan ibubapa, malah mencakupi seluruh isi dunia. Kerana sesungguhnya kita hanya penumpang atas bumi yang sama.